

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Ushtrimi / *er-Rijaadeh* / الرياضة

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ thotë:

“Dhe ata që japin atë çfarë japin ndërsa zemrat i kanë të frikësuara.” (el-Mu’minun, 60)

Ushtrimi këtu do të thotë ta mësosh veten për ta pranuar të vërtetën.¹ Kjo ka tri nivele:

Ushtrimi i shumicës së besimtarëve është:

- Përmirësimi i sjelljeve me anë të dijes
- Pastrimi i veprave me anë të devotshmërisë
- Përbushja e të gjitha të drejtave në ndërveprimet me të tjerët

Ushtrimi i elitës së besimtarëve është:

- Dhënia fund e shkapërderdhjes²
- Përbajtja nga shikimi mbrapa në shkallën (stacionin) e tejkaluar³
- Mbajtja e dijes në rrjedhën e saj⁴

Ushtrimi i ajkës (më të mirëve) së elitës së besimtarëve është:

- Të parët e vetëm të Vërtetit⁵

¹ Ta thuash të vërtetën dhe ta pranosh nga ata që e flasin.

² Ndalimi i të gjitha gjërave që tërheqin vëmendjen dhe përqendrimi në synim.

³ Ngritjen dhe afrimin (me Allahun) duhet ta kërkosh gjithmonë, kurse prapavajtjen s'bën ta pranosh kurrë.

⁴ Domethënë, mbajtja e dijes së Shpalljes si udhëzues dhe mosdorëzimi ndaj joshjeve djallëzore për t'u dhënë përparësi shijeve, ndjenjave, dhe opinioneve.

- Ngritja drejt shoqërimit (me Allahun)⁶
- Refuzimi i të gjitha vërejtjeve⁷ dhe zëvendësimeve⁸

⁵ Kjo është përmbajtja nga të parët e të parit tënd. Siç kemi thënë më herët, niveli më i lartë është vetëdija e plotë për veprimet e tua dhe për varësinë tënde nga Allahu në këto veprime në çdo aspekt. Në kaptinën e fundit, u përmend thënia e Imam ibn el-Kajjim: “Ikja nga Allahu te Allahu nëpërmjet Allahut.” Ti duhet ta shohësh tërë këtë dhe të shfaqësh robërim në secilën pamje tënden.

⁶ Të jesh veç me Allahun.

⁷ Ti nuk u bën vërejtje urdhrave të Tij e as nuk i bën vërejtje caktimit (*kaderit*) të Tij.

⁸ Adhurimi yt nuk është për kompensim (shpërblim) të menjëhershëm, po për çmimin përfundimtar të kënaqësisë, afërsisë dhe dashurisë së Tij.